

赞美海棠花的诗句

1.无风杨柳漫天絮，不雨棠梨满地花。——范成大《碧瓦》

2.
海棠风韵玉梅春。小腰身。晓妆新。长是花时，犹系茜罗裙。一撮精神娇欲滴，说不似，画难真。楼前江柳又江云。隔音尘。泪沾巾。一点征帆，烟浪渺无津。万斛相思红豆子，凭寄与个中人。——刘过《江城子·海棠风韵玉梅春》

3.
苍龙天矫停今雨。正不待、云吞雾吐。绝笑大夫松，今古闲言语。清光冷艳侵人处。漏月影、婆娑自舞。拟作岁寒人，此愿天应许。——吴潜《海棠春》

4.
海棠簇簇弄繁英，随分相逢眼自青。一种风流似西蜀，何须心着展江亭。
。——邹浩《曾园见海棠》

5.
褪尽东风满面妆，可怜蝶粉与蜂狂。自今意思和谁说，一片春心付海棠。
。——唐寅《海棠美人图》

6.
一从梅粉褪残妆，涂抹新红上海棠。开到荼靡花事了，丝丝天棘出莓墙。
。——王淇《春暮游小园》

7.
谁道名花独故宫，东城盛丽足争雄。横陈锦障阑干外，尽吸红云酒醕中。
。贪看不辞持夜烛，倚狂直欲擅春风。拾遗旧咏悲零落，瘦损腰围拟未

工。——陆游《海棠》

8.
柳腰暗怯花风弱。红映秋千院落。归逐燕儿飞，斜撼真珠箔。满林翠叶胭脂萼。不忍频频觑着。护取一庭春，莫弹花间鹊。——马子严《海棠春》

9.
雨後精神退九分，病香愁态不胜春。落阶一寸轻红雪，卷地风来政恼人。——杨万里《垂丝海棠半落》

10.
轻盈千结乱樱丛，占得年芳近碧栊。逐处间匀高下萼，几番分破浅深红。烟晴始觉香纓绽，日极犹疑蜡蒂融。数夕朱栏未飘落，再三珍重石忧风。——晏殊《海棠》

11.
伯牙琴绝岂求知，往往情牵自有诗。垄月正当寒食夜，春阴初过海棠时。耽书未必酬良相，断酒唯堪作老师。多病不任衣更薄，东风台上莫相吹。——薛能《春日书怀》

12.
海棠花上问春归，岂料春风雪满枝。应为红妆太妖艳，故施微粉着胭脂。——任希夷《海棠》

13.
青烟漠漠雨纷纷，水殿西廊北苑门。已著单衣犹禁火，海棠花下怯黄昏。——王安石《禁中春寒》

14.
海棠亭午沾疏雨，便一饷、胭脂尽吐。老去惜花心，相以花无语。羽书万里飞来处，报扫荡、狐嗥兔舞。濯锦古江头，飞景还如许！——吴潜《海棠春·己未清明对海棠有赋》

15.

命薄佳人，情钟我辈。海棠开后心如碎。斜风细雨不曾晴，倚阑滴尽胭脂泪。恨不能开，开时又背。春寒只了房栊闭。待他晴后得君来，无言掩帐羞憔悴。——张炎《踏莎行·雨中观海棠》

16.

东君何事妒花妍，不遣春风一笑嫣。邀动芳心愁万缕，盈盈含恨雨中天。——廖行之《雨中惜海棠花》

17.

伤心思去年，可怜景物依然：海棠鸂鶒，岩花杜鹃，杨柳秋千。——张可久《水仙子·春晚》

18.

半卷湘帘半掩门，碾冰为土玉为盆。偷来梨蕊三分白，借得梅花一缕魂。月窟仙人缝缟袂，秋闺怨女拭啼痕。娇羞默默同谁诉，倦倚西风夜已昏。——曹雪芹《咏白海棠》

19.

如此湖山正好嬉，游人船上醉如泥。黄莺不入垂杨柳，却立海棠花上啼。——汪元量《西湖旧梦》

20.

海棠风横，醉中吹落，香红强半。小粉多情怨花飞，仔细把、残香看。一抹深檀秋水畔。缕金衣新换。鸚鵡杯深艳歌迟，更莫放、人肠断。——晏几道《留春令·海棠风横》

21.

垂丝别得一风光，谁道全输蜀海棠。风搅玉皇红世界，日烘青帝紫衣裳。懒无气力仍春醉，睡起精神欲晓妆。举似老夫新句子，看渠桃李敢承当。——杨万里《垂丝海棠盛开》

22.

海棠亭午沾疏雨。便一饷、胭脂尽吐。老去惜花心，相对花无语。羽书

万里飞来处。报扫荡、狐噪兔舞。濯锦古江头，飞景还如许。——吴潜
《海棠春·已未清明对海棠有赋》

23.

深院无人春日长，游蜂来往燕飞忙。海棠娇甚成羞涩，凭仗东风催晓妆。
——湛道山《海棠》

24.

濯锦江头树，移根药砌中。只应春有意，偏与半妆红。——晏殊《海棠》

25.

春风用意匀颜色，销得携觞与赋诗。秾丽最宜新著雨，娇饶全在欲开时。
莫愁粉黛临窗懒，梁广丹青点笔迟。朝醉暮吟看不足，羡他蝴蝶宿深枝。
——郑谷《海棠》

26.

灯山昨梦叹匆匆，便恐新春过眼空。千缕未摇官柳绿，一梢初放海棠红。
金羁络马闲游处，彩笔题诗半醉中。流落天涯何足道，年年常策探花功。
——陆游《初春探花有作》

27.

锦城春色万人迷，饭颗无心着品题。实不如华谩浓艳，秋霜谁觑海棠梨。
——方回《海棠花》

28.

海棠珠缀一重重。清晓近帘栊。胭脂谁与匀淡，偏向脸边浓。看叶嫩，
惜花红。意无穷。如花似叶，岁岁年年，共占春风。——晏殊《诉衷情·海棠珠缀一重重》

29.

浓淡芳春满蜀乡，半随风雨断莺肠。浣花溪上堪惆怅，子美无心为发扬。
——郑谷《蜀中赏海棠》

30.

繁于桃李盛于梅，寒食旬前社后开。半月暄和留艳态，两时风雨免伤摧。人怜格异诗重赋，蝶恋香多夜更来。犹得残红向春暮，牡丹相继发池台。——齐己《海棠花》

31.

枝间新绿一重重，小蕾深藏数点红。爱惜芳心莫轻吐，且教桃李闹春风。——元好问《同儿辈赋未开海棠二首·其二》

32.

两株芳蕊傍池阴，一笑嫣然抵万金。炎齐照林光灼灼，彤霞射水影沉沉。晓妆无力燕支重，春醉方酣酒晕深。定自格高难着句，不应工部总无心。——尤袤《海棠盛开》

33.

春似酒杯浓，醉得海棠无力。谁染玉肌丰脸，做燕支颜色。送春风雨最无情，吹残也堪惜。何似且留花住，唤小鬟催拍。——周紫芝《好事近·海棠》

34.

似红如白含芳意。锦宫外、烟轻雨细。燕子不知愁，惊堕黄昏泪。烛花偏在红帘底。想人怕、春寒正睡。梦著玉环娇，又被东风醉。——史达祖《海棠春令》

35.

燕雕梁画栋原无数，不问主人随意住。红襟惹尽百花香，翠尾扫开三月雨。半年别我归何处？相见如将离恨诉。海棠枝上立多时，飞向小桥西畔去。——宋徵舆《玉楼春·燕雕梁画栋原无数》

36.

黄金华发两飘萧，六九童心尚未消。叱起海红帘底月，四厢花影怒如潮！——龚自珍《梦中作四截句十月十三日夜也》

37.

临川数落花，康节爱花谢。若作荣悴观，此特花之下。——魏了翁《次韵黄侍郎海棠花下怯黄昏七绝》

38.

香袅红霏，影高银烛，曾纵夜游浓醉。正锦温琼膩。被燕踏、暖雪惊翻庭砌。马嘶人散后，秋风换、故园梦里。吴霜融晓，陡觉暗动偷春花意。还似。海雾冷仙山，唤觉环儿半睡。浅薄朱唇，娇羞艳色，自伤时背。帘外寒挂澹月，向日秋千地。怀春情不断，犹带相思旧子。——吴文英《丁香结·夷则商秋日海棠》

39.

细雨初怜湿翠裳，新晴特地试红妆。无人会得东风意，春色都将付海棠。——杨万里《咏海棠坞》

40.

一丛梅粉褪残妆，涂抹新红上海棠。开到荼糜花事了，丝丝天棘出莓墙。——王淇《春暮游小园》

41.

欲与春争媚，嫣然一笑芳。雨中如有恨，疑是为无香。——王十朋《书院杂咏·海棠》

42.

杨柳丝丝弄轻柔，烟缕织成愁。海棠未雨，梨花先雪，一半春休。而今往事难重省，归梦绕秦楼。相思只在，丁香枝上，豆蔻梢头。——王雱《眼儿媚·杨柳丝丝弄轻柔》

43.

夜无多雨晓生尘，草色岚光日日新。蒙顶茶畦千点露，浣花笺纸一溪春。扬雄宅在唯乔木，杜甫台荒绝旧邻。却共海棠花有约，数年留滞不归人。——郑谷《蜀中》

44.

今年春色可胜嗟，二月山中未见花。长忆去年今夜月，海棠花影到窗纱

。——程敦厚《惜海棠开晚》

45.

脸晕轻红酒力微，真妃半醉夜深时。杜鹃叫落花梢月，独倚东风睡不足。
。——黄庚《海棠》

46.

细雨初怜湿翠裳，新晴特地试红妆。无人会得东风意，春色都将付海棠。
。——杨万里《寄题喻叔奇国傅郎中园亭二十六咏海棠坞》

47.

珍重芳姿昼掩门，自携手瓮灌苔盆。胭脂洗出秋阶影，冰雪招来露砌魂。
。淡极始知花更艳，愁多焉得玉无痕。欲偿白帝凭清洁，不语婷婷日又昏。
。——曹雪芹《薛宝钗咏白海棠》

本文链接：<https://duanjuziku.com/duanjuzi/bxfs71ruef.html>